

四庫全書

集部

欽定四庫全書

集部

御製詩二集卷十三

詳校官尚書臣德保

助教臣常循覆勘

總校官原任中允臣王燕緒

校對官助教臣蔡鎮

謄錄監生臣張仲芳

欽定四庫全書

御製詩二集卷十一

古今體八十五首

己巳四

塞上行圍奉

皇太后啟駕載覽西成有象即景秋曉成吟

七襄雲物九秋清

是日七  
夕節

正值朝來湊快晴  
頻歲巡遊

奉

慈輦乘時蒐狩發行旌千畦香撲黃雲徧列嶂屏拖碧

靄橫邀得

壽康賜言笑勝常年看好西成

過清河

潦盡烟凝秋意多  
垂鞭輕騎過清河  
仲秋射獵誠云快  
未若沿途看好禾

塞外常年穀屢豐  
今秋應慶此間同  
却聞傳說仍勝此  
未見猶然疑信中

示七弟及諸皇子

汝曹讀書久茲命隨時巡詎云事嬉遊吾意良有因  
祖制不可忘勉繼在後人汝觀此稼穡勤哉勞萬民汝  
觀彼部落何以來相親乘馬汝安逸僕役殊苦辛深宮  
汝豐裕茆屋多窶貧見獵可悟學射鹿應懷仁絜矩汝  
具懷大旨斯畧陳

七夕

今夕夫何夕無端意惘然恨曾經去歲痛復憶前年夜  
靜風露下天空雲漢邊行宮非禁苑底事又情牽

黃花路

薊野屢經行所愛黃花路每到似披畫向過已留句金  
風玉露中又復歷此處此處土最肥嘉生無不怒黍稻  
均有秋瓜壺飽於茹熙熙老若幼衍衍婦與孺往往聽  
衢謠初不離本務寓縣盡如斯資生復何慮

微雨

快晴十日值微雨霑潤欣知益晚田歌舞農夫怨行路  
世間兩美率難全

密雲行宮卽景

昔樹已成林行宮秋未深  
景光還似昔歲月忽為今  
新魄飛河畔幽芳笑砌陰  
城鐘初定夜悠爾空去聲塵心

九松山

遠峰近嶺率成童是處丸丸特鬱蔥  
獨樹也知依佛地別傳何乃盛花宮  
翠微背指橫朝靄清籟徐飄下碧空  
漸近邊關秋果好黃雲漠漠颺西風

月

快意散閒雲舉首見新月經秋喜倍明  
遑歲過何忽望  
輪縱未圓弦規已高揭行宮夕景寂適  
可供清悅蛩飲  
露愈壯蟬入暮將咽而我愛眠遲倚吟  
興無歇

攬勝軒

盤雲棧道出山巔靜室三間佛宇連縱  
目直窮千里趣  
置身真在大羅天  
是處俗所云南天門者也  
當秋野卉翻紅錦過雨

遙峰濯紫蓮南北山川此間合古今形  
勝望中全

常山峪行宮八景



綠樾徑

隔歲未尋綠樾徑  
當秋恰到白雲間  
行園塞上看山好  
路便先教看好山

虛白軒

行宮結宇底須多  
據景標名便可歌  
虛室三間無別物  
到來惟見萬籤羅

青雲梯

嫩翠濃青杳莫分  
天風吹織紫綃紋  
自知不是安期侶

足底胡然步入雲

楓香阪

仙人石室青霞封  
僊僊招我相陪從  
琥珀遺堯不曾食  
念茲長謝遊仙蹤

蔚蓀堂

吟句無煩求俊逸  
淺言亦可暢清懷  
翠崖有問如何答  
記我今朝意甚佳

如是室

自是新秋坐清晝不殊前歲對閒窓  
碧空似我澄無滓  
何所得來心可降

翠風埭

巖樹風過翠浪翻重重  
罨秀入山軒  
未教楓色霜前紫  
且聽溪聲雨後喧

陵霞亭

峰頂有亭真翼然  
下臨無地上空天  
莫云一宿堂堂過  
暮靄朝嵐結覽全

山田

今歲山田果倍收黃雲到處暢吟眸可欣火種刀耕地  
也報崇墉比櫛秋搖曳似聞風味美湛穰好看露光浮  
賦租本薄糴殮足茅屋纔言了不愁

灤陽別墅

又來別墅早秋天未啟閒齋向二年草木依然成蒼蔚  
光陰底識有推遷濤增古柏急鳴籟潦退淥流緩匯川  
忽憶雲窓同眺處愁懷欲遣倍淒然

小金山作

逕入綠榆遠軒憑碧浪高秋初尚濃陰雨過亂鳴濤舊  
句題四壁重來有二毛景光不殊昔底事足牢騷

雲標披颯爽天外眺蒼茫最愛登臨美渾忘衣袂涼喬  
松風度籟野草露生香為問曹唐句遊仙第幾章

引水成湖面為亭據石頭畧教加點綴便可學滄洲山  
鳥能延客莎蛩特韻秋昔年吟嘯處歷歷記清遊

畫梅

塞山絕勝大庾嶺其間何獨無梅花興來點筆開生面  
宛見冰姿窓外斜

駐蹕避暑山莊因成近體六韻

較獵臨藩塞行秋駐御莊軒庭懸

聖日岩壑蔚

龍光思示諸兒法

臨御以來是歲始  
携諸皇子扈從

欣承

文母慶沿途看寶穡勝地息雲驤五字吟新句千言詠

舊章

舊作山莊百韻  
詩書於絳間

觸緣皆可樂何事轉神傷

即景

洞房雲館皆依舊前歲今朝頓不同我是這愁來此地

近作早桂詩有塞遊  
魚擬這神傷之句翻教即景惹憂忡

清舒山館

山館重來啟碧疏清秋景色果清舒巖風送爽辭紈扇  
林鳥銜花下玉除泉出石甘堪酌茗松依庭茂稱翻書  
今年頗覺吟情懶於此婆婆一起予

荷

每至山莊玩晚荷依然雲錦落澄波水仙已自工圖畫  
園客無勞豔綺羅鹿愛香風常飲澗蛩悲瀉露亂鳴莎  
相看不忍輕牽折有恨無情韻最多

中元夕放燈

烟光露色早秋天望夕冰輪滿意圓例事盂蘭傳梵唄  
便看朔塞放燈船照巖霞錦驚眠鹿貼浦雲葩綴敗蓮  
千古詩人吟不盡湖山風月總無邊

澄霽樓



戶牖平臨霽景霽偶來登眺衆峰低山中草木霑

堯澤樓上雲霞葆

御題

泛月

漸上東岡素彩鮮晚涼試泛木蘭船那忘前歲曾遊景  
却喜今秋初度圓赤壁移來紫塞外銀河朗到白榆邊  
印波若悟同中異一指何妨半與全

鍾峰落照

西日隱東峰天光入水底披襟松籟寒千林紛翠紫

山中雨景

山莊駐蹕逢秋雨淨滌餘炎益晚禾行旅何曾愁且怨  
農夫祇覺舞而歌

朶雲剛見吐遙峰雨不崇朝膏澤濃好待晴明詠新景  
萬山濯出紫芙蓉

點經塞樹聲偏壯籟度山樓氣忽寒却為空濛宜綴目  
添衣還倚石闌干

鹿避濕依深樹立魚喁漚傍碧荷浮金官權被山靈擅  
幻得新秋似杪秋

聽瀑

雨後來聽瀑淙淙響益繁大都得之耳惟此不為喧赴  
澗來鳴鹿攀林飲渴猿山中足佳趣難與俗人言

泉源石壁

奔流迅瀟縈奇石上有松崖倚白雲山鳥飲泉林際下  
帶將松子落紛紛

雨中泛舟

引水為湖足放舟烟篷越可作清遊誰知塞景新宜雨  
不異園池舊泛秋飽挹涼風侵翰席條看潦水漲溪流  
空明獨對蕭條境底有機心猜野鷗

題蔣溥寫生即用其韻

露玉風金塞景清秋花待客發幽榮拈來迦葉不禁笑  
問去嵇舍無定名細朶含颺銀麝艷斜枝暎水錦粧明  
師承家法閒圖出

溥父廷錫向曾危  
圖山花以進是圖仍舊稿也

駕塞外

右相

丹青有後生

延薰山館召大學士傅恒史貽直及內翰侍御諸

臣賜膳賦詩輒成首倡

雨後晨清霽景開山莊相共賞靈臺智仁樂在山兮水  
賡詠才看鄒與枚巖下仙泉鳴

舜樂庭間溫樹識

堯培

舊時侍從今元老鴈杖中朝未扈來

如大學士張廷玉  
來保今皆以年高

在朝辦理政務  
不扈駕來此矣

登四面雲山亭子

雨過千峰濯黛青  
乘涼縱目坐山亭  
尋常樹色猶遮望  
到此山容無遁形

絕頂平臨北斗齊  
座中惟覺萬山低  
林禽饋客爭銜果  
磴廬迎人淺印泥

霽空寥濶早秋清  
邈爾拈豪暢快生  
底事成吟多警句  
會心遠處鮮凡情

張若澄塞山欲雨小幅

西嶺吐雲東嶂合  
蒼兮纔間復滃然  
從知墨戲傳王洽  
意在空濛作雨前

雨後

雨後泉聲壯  
風前樹態狂  
洗空萬里碧  
石變候一番涼  
谷靄凝朝潤  
秋花散晚香  
向來無此景  
始快宿心償

康熙六十一年予扈

皇祖駕時居於萬壑松風軒之側  
今歲携諸皇子至此

仍以是處居之。竭爾經臨。憮然感舊。

佔畢書齋。還似舊兒時居處。處上聲諸兒越教。俯仰懷

恩澤。用勵勤修。示範儀。

偶成

低樹以為帷。高樹以為幕。山鳥不驚人。選枝山果落。

即事

雲裏峰姿開錦繡。風間松籟韻笙簧。乍當日午微嫌熱。  
便忘清晨尚怯涼。



野水無心東復西  
間雲不繫高忽低  
蹊花露滿知蛩樂  
岩柏月明遲鶴栖

窓間坐愛峰迎面  
樹下閒來鹿乳兒  
羽客若求不老法  
應於此處刷靈芝

波光不讓琉璃淨  
嵐翠常如帷幄浮  
數日幽探清興足  
明朝去賞塞垣秋

### 曉行二首

背指雲莊碧巘標  
輕寒微遞素秋朝  
兩山抱谷行十里

一水縈流渡廿橋常喜村墟聞犬吠不教父老訝雞翹  
精藍猶在翠微裏只許鐘聲林外飄

漩洑廻環白石磷蒼蒼露芷更烟蘋源頭自是新過雨  
渡口旋看暴漲津通野望中全入畫問程行處那生塵  
所欣高下豐収定纔得茅簷鮮歎貧

釣魚

跂石弄竿綫慕波漾烟翠豈乏金鱗烹為愛滄浪意

波羅河屯作

塞館清涼車駕停仰流鱗集衆藩屏亦咨力穡秋稱好

蒙古今亦知  
稼穡爲重矣

更喜攻駒境永寧長計何須誇絕幕恩柔

遂以撫來庭尋常視此殊艱致

謨烈躬承勉德馨

涼

昨日西風力一夜更氣候衾枕已覺寒晨起山颼驟策

馬歷蘭衢露光白如玖

叶

華黍被山田西成實云富乍

思日可愛胡尚隔東岫出谷朱鳥騰仍此婪暑晝塞垣

無定節妙理得時狩咨彼羲和氏何以副敬授

策馬

策馬山柵復水隈玉鞭斜擲不須催  
灌園村叟籬邊接獻鹿虞人林外來  
黍秀奄觀高翼翼蕎花重喜白皚皚  
常年此處秋成好一倍秋成見此迴

山中村

數家茅屋亦稱村六畜兼宜乳字蕃  
樺木高排成虎落豈花斜蔓隔鞞樊

揀田隨意壅山上遊賦成羣到塞中縱是漏卮聽亦得  
大量底更命司空

塞上秋

羣山糾紛水抱環水如玉白山霞殷豈是東王公幻戲  
由來商令司金官柵風蘿露將鳴鹿重著棉衣意不足  
吳江楓冷已太遲巫峽秋高較應慙颯景偏覺稱人心  
特是林泉効靜深三十日佳看易過

塞上行園以三十日為率

廿首

詩成未入吟

舊作生秋詩廿首未曾及塞上云

行營

曠甸御行營蘭皋秋氣清細旃中建殿連網外為城部

署明分張

去聲各部皆有行帳大書以別之

私廬各認旌謹謹禁逸度

歡樂驗輿情野水人人汲青山面面迎年來茲室裏爾

許好詩成

入幕今猶昨寒簾樹與山牛車來晚市

例許蒙古互市率驅牛車以來

鈴索謹宵闕

前鋒營掌卡路之事以鈴繫索為界人不得私越

水號羊腸曲峰

凝螺黛彎雪鷹金捍臂蒼天玉重環雲澹秋情迴天空

塞景間古來稱大漠此日是仙寰

秋晚

巖嵐谷籟清秋晚西秦半隱雲標巘旌門射罷適餘閒  
惟宮何必遜林苑窓虛几淨堪逍遙燈明十幕無喧囂  
年年武帳渾如舊憮然忽念前春朝我是這愁遊塞上  
近作有塞遊魚  
擬道神傷之句翻教即景生恨恨崑峰偏解惹人愁火  
迫丹楓纈遠嶂

楓

江楓畫曾看山楓親所覩洞庭猶未波玉塞已如許殷  
峰雜早霞蘋嶽明秋宇幻傳或作人耽視每來虎今歲  
與前秋白駒迅似流林景曾何異帷宮事不作開窓聊  
縱目點點照人愁

餅花

單裊紫婉更紅裳偏是秋來生意昌擷入掛餅饒靜趣  
入教行殿挹清芳拈鬚竭爾吟新句挿鬢能無憶舊粧  
相對奚容成一往更叅離合露中香



止頓

止頓宣傳休獵騎  
紙窓贏得曉秋閒  
封章昨日剛批閱  
無事今朝飽看山

夜雨連明霏細絲  
因教停憩衆情宜  
乍今忽合雲容幻  
低阜高峰畢獻奇

氍毹布帳繞營開  
須傍山隈避水隈  
泥濘莫愁供億缺  
牛車伊軋趁墟來

霧氣離披欲放晴  
山容紫翠又新更  
侍臣試問枚臯侶

今日清詩幾首成

絡緯

塞上秋蟲夥紛鳴抱露榛那曾催嬾婦却解動征人風  
物渾如昔烟花且自新剡藤親貌取

前歲塞上曾圖之以歸並成詩四首

俯仰便成陳

間

塞雨因成旃室間豈惟容膝亦怡顏面山臨水如違者  
落葉秋風復此間愁入舊懷遮莫遣詩成結習未全刪

誰云艮止真能止試看雲中幻黛鬟

晴

塞雨滋秋野金風助快晴翠巒新沐濯紅日越晶明草

色猶含馥溪流乍咽聲底須慮泥滑牧法馬蹄輕

牧法者牧

得其法也凡馬春忌水秋忌草馳驅之後必繫至深夜汗落而後飼馬則馬益壯而無蹉跎之虞此之謂得法

山中

山中秋日勝春日木葉微脫精神出更餘淺綠與深紅  
拂以涼颼衆響逸滃然吐雲萬態幻詩不能工畫停筆

待園澤地時憩留撫松藉草坐石頭子陵垂釣景宗獵  
各適其適心悠悠我遜重華希有志木石與居庶永遊  
文嘉疎花冷蕊小幅用畫間題者韻四首

野草閒花遍谷香誰教冷蕊綻旃堂當秋乍看冰心白

破臘全欺磬口黃

右文嘉

塞山那有藐姑姿携得行勝軟玉肌消暇不教開牖看

恐防朔吹十分吹

右周光

小金山閣俯灤江曾貌疎花入月窓

近於喀喇河屯行宮小金山閣中曾

畫寒梅一枝並成詩云興來點  
筆開生而宛見水姿窓外斜  
今日真梅端在目翻嗤

布鼓不成腔

右王  
穉登

花常不落藥常開笑我無能引綠杯有子停雲真未往

無妻和靖儼重來

右居  
節

獵

山青雲白塞垣清快試秋圍趁曉晴淺水穿林衝暗渡  
橫岡冒霧落斜行雁行左右排千騎魚貫聯翩認五旌  
日暮頒禽喧弗禁為田猶足見虞情

奇花瑞草總含芬  
少坐罔巒亦可欣  
幾樹濃青幾樹赤  
半峰晴靄半峰雲  
獸驚避箭毳叢夥  
人語呼圍隔嶂聞  
倩泚鴻絢原有度  
即茲深寓教三軍

八月朔日作

金韞臨仲月  
玉衡指星虛  
曠谷武帳閒  
簞榭商籟噓  
怡神向神邱  
勅幾凜幾餘  
西成近遠嘉  
平秩懷差舒  
而胡黯然傷  
往往悲來予  
前歲景目中  
排遣仍紛如

霜

向北日以寒逐漸添衣裳朝來履中庭地白霏輕霜巖  
楓益纈丹甸草將變黃呦鹿已爭鳴虞人喜欲狂塞外  
姑聽之遲早異時光春秋記殺菽內地為災傷

聞京師西成豐稔喜而有作

今年春夏秋三時時雨時暘無不宜近自畿輔遠滇粵  
麥收普稔秋堪期新秋發駕臨塞外奄觀銍又猶待而  
意謂晴雨協一月千倉萬箱穫無疑果如所望出望外  
而況塞外尤倍之江淮之間微苦潦百分一二纔毫釐

惟恐向隅深望澤先事撫恤命所司京兆露章奏豐稔  
欣觀詎止飫已飢歟為

天貴豐

天佑此實我職奚容辭作詩匪云誇身豫任重道遠紓  
遐思

閱本

綸閣封函驛騎馳豈因遊獵怠疇咨心殷籲俊具難矣  
政在養民每念之所幸題章鮮速議

各省奏報災傷皆  
批該部速議此雖



舊例實寓勸民之義為逢秋稔適惟時深虞豐豫渝乾惕思日孜

孜勉敬寅

御製詩二集卷十一

欽定四庫全書

御製詩二集卷十二

古今體七十首

已巳五

秋宇

秋宇本寥廓  
塞旻益曠閒  
雲斂蔚藍迥  
清光皜日懸  
崇邱欲倚杵  
高處不勝寒  
遐睎一騁懷  
傑池俯衆巔  
案衍舞波濤  
瀏莅非絲絃  
可會不可著  
無色聲界天

蒙古王公等進宴因賦六韻

玉磧開嘉宴穹廬覆慶雲輸誠因素切獻曝亦堪欣  
上壽尊

王母傾心奉大君酪酥為湛露鞦韆作香片勇鬪撲跖  
戲雄看詐馬羣懷柔仰

祖烈巡狩勉時勤

移頓六韻

逐水頻移頓

止頓必擇水草之地以便衆也

曾無廿里賒

以行圓每日移營不過十

餘建營今似昨取勢正還斜壘或多因舊

凡木蘭內止頓處率因其

舊

竈無須更加

亦有尋舊竈而炊者

賣蒸原有市揔馬要增茶

以人

所騎瘦馬換蒙古肥馬再加以茶布之類即可得

內外奚分界休和久一家朝

程迴首望烟散滿林霞

不廢

不廢吟詩習字常欣跋馬登山身勞未始非逸心靜覺

有餘閒

新月

八月五日

一鉤宛見生西宇十日猶遲正滿輪自是中秋勝常月

未中月便有精神

漢邊斜拂漾微明  
借助龍沙景色清  
林外窺人渾似舊  
誰能此際暫忘情

雖寒不濕光盈手  
未滿將圓意逼人  
消得遲眠風露下  
目窮西嶺更逡巡

烟火全無朗磧臺  
巖枝澗葉夜光皚  
絕塵佳景吟難盡  
可惜詩人鮮到來

經翁牛特部落

分界司林園

木蘭據各部落之中凡近遊牧之地各出人巡察入園場伐木及盜獸者適以行園

欲至興安大嶺乃翁牛特所司之地云

行園便一過同民誠有愧為甯底

教訛

塞外之地豈可計里然行時習武適同靈園上林而已獨是伐木盜獸有禁而亦未如殺人之罪云

耳

部落輸誠久屏藩効力多相於禁翦伐更且謹誰何

除道心猶悚近光肩欲摩善為安畜牧永久沐恩波

### 登興安大嶺歌

隆崇乎興安之高極天蔽虧陰陽日月不得擅其照  
變幻寒暑造化不能搯其權溺愛少男或驕縱人情有

之昊乾胡獨不然豐隆列缺供使令屏翳飛廉相後前  
元黃欲判猶未判神丘卓立鬱為萬物先邇來三萬六  
千歲未許塵世知津源腐儒耳食名享帚浪傳宗惟泰  
岱靈著峩嶺巔蓬萊三山只培塿宜居地仙豈可方此  
居天仙谷蠡荒略闕文獻但詫遊牧謹避偶過無不膜  
拜加敬虔祖龍立界不敢近却臨滄海施神鞭乃知奧  
宇異凡世洞天福地皆虛言興安之高高極天西來崑  
都崙東接長白山是為二峰之中氣如宗承祖嫡胄綿



千支萬派分案行爲嵩爲華相牽連杭愛

在喀爾喀之北

阿爾

台

在準噶爾之東

舒右臂索岳爾濟

在黑龍江之西

憑左肩向背雖殊

條榦同繁星拱北海納川特言其小數千里結爲靈囿  
之木蘭何奇不儲物不畜那能一一徵言詮雲夢上林  
赤縣內相如揚厲尚爾摛鴻篇使其知此退三舍故予  
不復雕蟲焉

皇祖昔年曾一至即今

聖蹟蒼巖間我來獮狩近瞻仰賢王奔走相周旋朝發

行營質明到金風謾謾高秋寒時為衡嶽之開雲晃以  
朱鳥溫暄暄時為傳巖之作霖霏以玉葉鋪瓊田瀏莅  
卉歆奏萬籟意謂山中饒管絃此虎開呵舞衆木若示  
羽衛森繡繡木蘭形勢指諸掌南臨按轡一覽全北顧  
蒼茫乃無際邊防久計心籌旃興安之高高極天非我  
作歌其誰傳

霞

塞山易雨晴亦速金風西北吹林麓殫雲滿空去何方

幾縷惟餘繞峰矗夕暉返照成落霞色雜丹楓紅菽蔞  
翻辟何須待入江齊飛或見來孤鶩晶熒晃朗蒸赤城  
不火而逢陸渾谷

題蔣溥畫金蓮花即用其韻

一種清涼卉

是花以出五臺者為美茲塞上亦有之

數叢金碧纖畫成塵

外質餅貯靜中醺相映金風拂惟輸玉露霑不須分彼  
此佛手早經拈

張若澄闕城疊嶂小景

巖關白界列峯青乘障當年據勝形便是昨來經過處  
雲山迴望意為停

夕

曠野暮雲收寒光黯欲流風如矜朔塞月已競中秋颯  
景供澄觀陳編契靜搜匪云誇博覽愛與古為謀

放鹿

出谷霜風嚴冒嶺朝烟霧合園廓堂皇輕騎劇鴻絳彌  
縫無漏罅呦鹿周陟衆應弦紛屢踣疊雙頻命中他他

已鋪原祁祁互奔撞肩怠繁弱張手疲遊龍韞大庖既  
云足頌殺逮僕從於物誠盡取多或棄無用因命飲飛  
徒罷射快一縱歸林得所樂失侶懷餘慟習武會常來  
孳息仍厨供非希湯網名儒臣漫陳頌

雨

塞雨剛逢止頓時氍毹點滴入清思暗迷遠嶠鹿呼侶  
斜掠平林鵲選枝無盡寒光偏對戶幾多涼意忽侵帷  
迢遙南望關心處恰值秋深種麥期

雪

山靈幻戲能剪水展新雪景又如此雪景從來我最耽  
何況塞山清無比塞山幾度舊曾來玉粧粉飾逢今回  
樊川詩與營邱畫未若真界天然開丹楓翠柏傑池露  
嫦娥耐冷守顧兔司天妙算此間窮却待新晴吟積素

晴

新晴虎帳暢吟看積素龍堆果大觀朱鳥已烘一谷暖  
玉山猶勒兩峰寒更添喬柏千尋翠未改疎楓幾葉丹

今日成詩真可和何殊六出點朝冠

旃室拈題憶保陽興飛白戰韻鏗鏘

丙寅十月自五臺廻蹕於保陽道中

巡雪傲蘇軾聚星堂體凡四疊原韻云

試看畢獻山靈技莫怨新添旅客

涼入畫無舟休訪戴烹茶有婢底慙羊千林日上開生面白玉屏蒸紫翠光

萬壽節賜宴王公藩王及廷臣因成近體

晴光蕩漾瑞烟浮介壽龍堆勝十洲白雪調歌白雪塞

預日微雪鹿鳴詩賦鹿鳴秋侍臣羣獻南山頌嘉客來添海

屋籌我有斂時深祝願

慈寧福履永悠悠

疊前歲中秋帖子韻并令扈駕翰林等和之

有序

向以中秋佳節適近萬壽慶辰桂筵繼介祉傳觴  
綵服猶延禧具飾歡騰中外對佳夕而廣祝嘏鴻  
詞時際熙和巡朔塞亦詠宜秋彩帖自去歲遭安  
仁之感每登樓傷貞觀之懷況乎

大安奉處顧瞻缺侍儿良速值茲令節相於俯仰憶脫



簪舊侶斯誠憾矣能不愀然而虛擲良宵抑亦  
難抒夙恨是以名言戒其一往梵帙喻以六如興  
盡悲來固其數也悲過興繼又復宜之維時玉宇  
開金風霽則見鷁行虎拜環幔城而呼九如於以  
雁磧龍沙望蟾宮而臨十五屬車危蹕粵有騁妍  
抽秘之儔大漠矢音宛成弄月吟風之地例依前  
歲句各新裁

評量今昔值清閒萬慮誰能一例剛囑付中秋玉輪月

照子千載塞垣山

無滓精神不濕光  
澄觀只合一鑪香  
繁絃急管從來厭  
底藉名言疏讀佳

帖子宜秋我作師  
每教塞景艷新詩  
昨來積素溶金液  
新沐秋蟾出玉池

高處為居便是樓  
今年雁磧不孤秋  
東山凹處銚峰畔  
彷彿嫦娥笑點頭

中秋即景

磧風拂拂夜光流  
滿意冰輪見舉頭  
此際素娥應耐冷  
今年玉塞又信平  
聲秋無須對景翻  
思舊不必臨池更  
倚樓極大圓中圓  
魄度何曾痕跡著  
些留

中秋日侍

皇太后宴

中秋節自好  
上塞景尤清  
咫尺廣寒界  
依微仙樂聲  
雪開千嶂秀  
風助一天晴  
邀得

慈顏喜山靈與

去聲

有榮

翠几堆花餅鮮盤侑野麋千秋最圓夜五字又成時北  
斗懸金幕南山獻桂卮吳剛脩不到輪外一枝枝

聞雁

旃廬清夜分候雁數聲聞霜落纔傳信

塞上早霜故云

沙平淺

印文早來應挈子

春時雁北去至極涼處換羽有雛至秋攜之以南

可羨未離

羣木葉洞庭下何須怨楚雲

哨鹿

曉蟾駐魄碧光流哨鹿時惟八月秋邃谷試呼來得得

虞人真解學呦呦耽盤媒翳嗤剛挂閒放綸竿任釣舟  
朱鳥旋升開曉色塞中隨意作清遊

暖

積雪皚陰磴暖氣蒸陽巘霏微細雨零倏忽朝霧卷金  
烏晃楓林生色畫屏展重裘欲換棉豈是朱明轉山中  
候無定和仲詎能辨隨時愛景光此間興不淺

塞中即景

風清月白仲秋天問景龍堆漫躡鞭碧宇空寥雁書字

蒼巖巖嶺鹿呼烟山陰雪凍山陽雨谷尾溪喧谷口泉  
日日意行頻得句霜林真比晚春妍

崇邱作鎮鬱壇曼萬派千支勢拱攢碧澗似繫圍嶺腹  
白雲為旆裊槍竿試看秋景如春景端是木蘭勝上蘭  
一月行程詩述詠嘉陵粉本不殊看

塞山夕景

哨鹿宜曉夕復宜虞人技憐無不為平岡獵罷合夕哨  
我亦因而姑聽之下春荏苒落西嶺疎星寥亮天四陲

丹楓翠柏纈遠障忽隱繁縟惟參差須臾參差復全隱  
萬化冥合心神怡遠瞻燎火指歸路曲尋淺水渡野溪  
偶然一試古人語佳景乍得聊成詩

雨

塞雨又逢止頃日山靈有意示神奇設非親見誰能信  
告未曾來人定疑

前朝霏雪今朝雨塞上寒暄曉暮殊贏得閒情摹杜老  
底將經世問堯天

打幕頻聽浙瀝聲石淅月離驗輿情猶欣供億隨營足  
敢井山墟列布棚

添些紅樹明晨景展却新圖此際閒秋猶將完促歸轡  
留看塞上米家山

賜宴蒙古王公及行圍諸軍校因遣各歸部落

秋郊罷合圍六轡駐駢駢今日閒佳宴康衢敬御幃輸  
誠悅藩翰布澤錫恩輝千二百軍校驅馳聽指揮遍教  
霑湛露同得被陽暉執役今時切和親歲幣非謹誨權



弛禁犒勞底從威懷肉無嘲朔

蒙古人受賜所食餘肉率懷之以歸且以為敬

云

輶輶滿載歸

### 山村

按轡度山村富秋觀次第往來一月間五穀已登備棲  
畝有餘糧納圃無隙地山田租賦薄茅屋俯仰遂此心  
慰始定額手洪鈞賜伊余有後思古今人殊致耕九而  
餘三既富教斯繼是道豈非要行之貴無事苟其不得  
人匪愛乃實害

叶

莫如今蚩蚩各自為生計所願錫屨

豐何虞民不治屢豐豈可必孜孜勉祈歲

納稼三首

納稼塞中早寒暄候不同秋豐悅圃滿田穫覺山空升  
屋炊烟白當鑪濁酒紅兒孫瓦盆熟便以侑村翁

田家底為樂秋好即無愁不識催租吏渾成擊壤遊比  
隣皆有積滯穗未曾收乘屋仍多暇春寒不播牟

莎坂玉霜濃垂鞭過碧峰烟村呼父老穡事訪從容故

地原難較今秋得未逢

關外種地者多山東之民皆言  
常年即勝其故鄉而今秋為尤

稔云報章披更喜大有慰三農

九月朔日行園迴蹕駐避暑山莊之作

秋彌言歸自木蘭山莊容與憩征鞍飽觀豐稔情堪快  
暫豫心神樂豈盤泉界綠雲供廐飲山留紅葉待人看  
前年已設登高約

將於此登高  
然後迴鑒

早見孤亭聳翠巒

重臨雲館坐明窓真覺流陰逝水澌塞上山容雖獨出  
園中秋景實無雙檜松晚翠擎蒼蒼巖鬼雁閒心樂碧江  
每到竭然頗憶舊塵根底事未全降

秋海棠

塞中野卉多而脆幾度經霜委白沙還是御園饒景色  
秋風嫋嫋見唐花

清舒山館

山館從來最暢情開軒况值九秋清多於前度為何事  
颯沓空庭落葉聲

最宜觀處皆成畫於暫閒時輒詠詩設使幾餘無二者  
更教何物遣情思

霜染丹楓淡復濃扶崖鬱翠見喬松鹿鳴每向閒窓聽  
知在蒼烟第幾峰

潦盡寒潭清見底林疎遠岫淡無痕重陽節近黃花放  
便是東籬處士村

覽熱河井邑之盛知

皇祖煦嫗之深即日九秋斷章三首

萬家烟火較前增  
皇祖詩云聚民至萬家今則不止於萬儼成大邑矣井邑紛

填有賣蒸可識

聖人弘愛育山莊小試有明徵

避賦避災離里閭

熱河今無土著率山東山西之民遷移來者然恣不出此二事

墾原

墾隰藝桑麻慙無為養因無禁

遷移而來者豈非惰民然內地戶口日增今有

塞外可墾之地則亦聽之而已故不事丈量督察也

中外由來久一家

蚩眩喧聞列肆聲高樓縱目玉尺清有秋市物翻增價

近利人言却至情

此間惟米價最平而他物無不增價者詢之市人則云隔歲米巡吾儕趣

此獲利此雖無厭之談而實人情所有

登四面雲山亭子

中峰千丈拔地起特據其巔構亭子初秋蒼蔚尚連林  
登臨未露山容美重來木葉已半落惟餘老翠及嫩紫  
精神氣韻莫不獻纂組刻峭無能擬三句飽看塞垣山  
摧萎綺錯固佳矣萬景天全結構精又盡善焉乃在此

題永恬居

夷峻築間館邱壑占幽偏落葉如聽雨開簾不捲烟景  
光新意趣書史舊周旋道味真無斃心恬足永年

菊

黃華鍾正色必向御園開識得重陽節剛從上塞迴霜  
嚴信徒爾日嫩特佳哉靜對無窮趣茱萸漫泛杯

山中杪秋

煙雲朝暮變紫翠榭楓蕪籟動風滿谷波澄月一匳景  
深素秋杪興寄碧峰尖無盡藏真界取之宜礙廉  
閒窓日影上書室足清光誰謂山林內而無翰墨香芸  
編堪汲古菊節待重陽入畫相應處千峰卷一房

題素尚齋



山莊山水佳天然去雕飾是齋顏素尚古風猶可識開  
窓見千峰對之有所得揮毫戒繁華

聖人示我則

暖

皮衣脫却換棉衣塞外秋暄見所稀真對黃花堪落帽

坐看紅葉稱寥廓人家烟火催時暖

烟火多則地因以  
暖熱河向為寒地

今則頗似  
關中矣

沙漠風霜限地違幽替洪鑪誰復識

神虞當日協璿璣

夜雨

春霖憲或少秋霖慮或多惟有杪秋時多少無不宜

叶

萬寶既告成冬麥恰始播

叶

山莊茲駐蹕夜雨占天和

庶纖窓外聲庭樹想婆娑更無愁漸石此景實可歌伊

余較雨暘年來熟研摩特喜杪秋雨供賞無虞他勤民

家法貽祈歲理則那追惟

當日心此際應如何

曉起

閒雲數片當晨散落葉一庭比昨添涉獵詩書覽秋景  
山莊隨意足清恬

山莊駐蹕勝日開筵恰迴秋獮之鑾魚值年豐之  
慶雖順時而行樂憶去歲而難忘詩以述志爰  
賦五言

十日駐山莊三秋逢有年行園既訓士懷遠已巡邊此  
焉乃少憩繩

武增惕乾况復近菊節正可列饒筵稱觴獻

慈壽嘉會集羣賢念茲亮工侶胥任籌治權勞逸共心  
膂憂樂思後先去歲事滋紛迴首豈忘旃際和斯惟幸  
持盈當益虔

曉起

庭樹烏聲出曙窠披衣試問夜如何挈壺已報晨星少  
擁帚誰嫌落葉多遶戶山嵐輕送冷入窓池影漸增波  
報章未至心餘暇拈得清詩一晌哦

敬題松鶴齋

昔我

皇祖於山莊中奉

寧壽宮處名之曰松鶴清越我

聖母為是

先徽所憩息避弗敢御且以離予所居較遠也則於寢

殿之東葺室一區以為偶臨山莊

聖慈燕居之所願之曰松鶴齋猶

皇祖志也

鶴羽千年白松姿不老青惟茲真上瑞堪以祝

慈寧嘹亮聲聞野龍蔥色滿庭作朋瑤島上

王母駕為停

重陽日侍

皇太后登高攬勝之作

遙峰近嶺卷烟光高處瓊樓了不涼為要重陽酬令節  
暫教十日駐山莊綵絲結佩仙萸紫

玉座稱觴壽菊黃稍異宮中行樂處稔秋俯眺遍倉箱

迴鑾至喀喇河屯作

深秋迴蹕駐灤河山館紛紛落葉多  
兩月風光異爾許一番往返覺無何  
蒼峰巉巖精神健丹地蝟蝓景色和  
納稼築場完次第相去聲春還聽野人歌

入古北口

人工真可奪天工  
界限風光迥不同  
今日入關逢綠柳  
前朝背樹憶丹楓  
黍稌是處欣都稔  
睥睨當年勢尚雄  
地脉千秋自無恙  
陡懷壯士對西風

村行二首

關內深秋暖不寒行來曠甸騁懷寬  
凍雲衰草迴頭別  
比櫛崇墉取足看  
恰喜詩情搜野落  
入教山色指田盤  
重陽雖過風光好  
笑把黃花興未闌

豐歲無饑且免寒  
男衣蔽肘婦裙寬  
年來祈望差堪慰  
靜處思量豈易看  
駢向坦途纔免圖  
馬尋濶棧不重盤  
行宮取近常休息  
暇便耽書忘夕闌

秋麥



漸南地向暖例可播秋麥秋猶啟駕時多稼猶未穫<sub>叶</sub>  
迴鑾踰兩月早見倉箱積良農豈後時勤作如乘隙今  
朝歷薊野亞隴有新碧蓬蔥生意佳肥壤含膏液覩茲  
稍自慰紓懷未敢遽<sub>叶</sub> 覩土幸沃潤更藉足三白祈歲  
循始終勤民無間隔

御製詩二集卷十二

欽定四庫全書

御製詩二集卷十三

古今體七十三首

已巳六

駐蹕靜寄山莊侍

皇太后遊覽即景

較園迴塞上取道駐田盤奉

養多方謹承

歡千里安山莊臨靜寄秘殿足遐觀扶

輦邀

慈豫稱觴對壽巒  
窻開峰崑翠塔繞瀑淙  
寒豐歲餘清暇  
吾心此暫寬

山居

山居隨意作清娛  
底覺風光塞景殊  
且喜樹姿猶張玉  
二字皆去聲  
還教峰色不模糊  
道堪因契真佳矣  
畫豈能工

有是夫彷彿翠微阿  
那畔丹邱生在許  
招呼

石林精舍

三間敞白屋萬笏列青瑤少坐消塵慮興言託朗霄天  
花雲外落仙樂柏間飄不必天台畔依然過石橋

綠縹亭

霜間萬葉丹松下一亭綠徃徃動天籟絕勝戛哀玉長  
烟斂寒空因之暢遐矚

夜雨

秋霖送響屋簷垂又值雲莊駐蹕時始信山靈不相讓  
偏教夜雨却稱奇

此次行園皆於止頓日值雨故前有  
塞雨又逢止頓日山靈有意示神奇

之句今駐靜寄山莊度峰爛漫丹楓濯著墮絲竿綠友  
又遇夜雨信一奇也

滋有喜無眠宵漏永近臣未許得全知

雨後

山容業已佳雨後越清整丹翠不一狀陰晴無定景徂  
雲漸避風溫暾時弄影昨來誇嫩暄今乍覺峭冷理政  
過亭午趁閒登絕頂指顧俯千村蓋藏富萬井此雨復  
知時可卜足餌餅豐亨敢即詡今歲屬天幸

得概軒

一谿一壑可標名況復山軒架五楹每俯綠窻真得概  
偶叅白業有餘清隔牆鐘磬聞仙梵寫嶂煙霞護玉英  
我豈軒轅能訪道時因福地靜塵情

新晴

新晴宿潤夫如何添却田盤景色多宇宙以來便有此  
畫圖無數總輸他風前萬樹霏紅錦霜後千溪斂碧波  
佳興紛投吟不盡底須懶祭案前羅

雲林石室

一笠敞石室四面延雲林愛此朴而野悠然靜以深風  
樹有聲畫秋泉不操琴絕牀坐無歎藉用空去聲塵心

即景

夷峻築室道心清時有山禽三兩聲繞砌黃花秋未老  
滿林紅葉日偏明石邊過雨瀑猶響松下無風籟亦鳴  
暫向雲莊寄高躅漫同芝圃學長生

天成寺

兩峰排闥護祇園幽致番番入靜存會景飛窓吟據榻



吹風落葉眺歸根  
秋深山色無踰秀  
雨過溪聲尚解喧  
猶喜闍黎不識字  
梵天籟動目為翻

萬松寺疊舊作韻

步步入幽奇  
秋山訝改姿  
徒觀無盡藏  
胡乃太佳為  
入畫筌忘矣  
成詩壁勒之  
千章翠雲幄  
擇勝自張移  
披戶一憑停  
地靈無不靈  
此翁猶矍鑠  
惟我愛觀聽  
風颺九韶樂  
霜添萬嶂青  
更疑蔥翠頂  
仙藥育芝苓

盤谷寺

遊山屬清秋秋光吟不足峰容秀以整樹態紅間綠攀  
躋白玉梯偃仰青雲幄叶天成眇壺天萬松撫仙木遂  
造盤谷盤宛探曲中曲武夷徒曾聞臺懷較知慙一窓  
紫碧岩巖四砌黃金菊少坐便當去雲罩暢遐矚迴頭語  
必芻饒爾享清福

登雲罩寺定光塔

三度登穹塔

定光塔建此蓋三度親陟其巔云

九秋縱遠觀目窮寥廓

外身在雲霞端鎮爾天籟發颯然衣袂寒宇宙渺無極

吾心與共寬

雲淨寺

招提據東嶺龍象演西天為要增山景非關種福田

是寺

為重脩故云

堯峰含宿潤澄宇斂秋烟却是初題句

去歲初到未曾

題句乾隆己巳年

少林寺

禪室坐清秋諸天雲上頭一心何罣礙萬景自紛投無暇搜佳句惟教紀勝遊山莊看已近牆外石泉流

敬題壽萱堂

於山莊建屋一區為

皇太后臨幸憩息之所名之曰壽萱堂而題以詩

名山結構儼名園宜備堂闡奉

清溫塞上有松教傍鶴

熱河奉之

皇太后所居

山中

無草不成萱所欣佳景供

慈豫奚用雕甍更綺軒勝處文言難擬議仲長樂志已

曾論

池上居

田盤千溪萬澗不可數計然瀆湧石罅沙渚間或  
入地而伏流故不能匯而為池茲於山莊內相地  
之宜設法疊石為盆浦以灰築之儼成半畝之塘  
矣建屋其上輒成是詩

為愛空明與性便廓池盈畝任方圓半輪貯就清秋月  
一片圖將碧落天屬我無心看澹澹終朝盈耳聽涓涓  
會須育取成龍種荇蓼光中躍在淵

書屋臨流坐卧便一泓恰對月窓圓源頭句詠朱夫子  
池上居同白樂天畫本別教摹大匠詩筒頻遞走中涓  
可知事在人為耳天半雲標自有淵

雨花室

林谷無過靜山房底用多翠霏峰四面青罨戶千螺門  
外雜鳴雨崖間紛捲波那須天女散一室儼維摩

遊東甘澗古中盤諸勝即景三十韻

前朝登絕頂已暢千里眺茲復值餘閒一盡谷中妙凌

晨視庶政批覽理京報日午凍雲晴山風寒不峭苑墻  
出便門巖蹊取直道叶遂詣東甘澗三間栖邃廟香燈  
祠變相成削殊古貌小樓一俯視約畧得其竅西甘澗  
咫尺入望偶未到仍尋向來路盤迴度雲嶠松門界別  
徑石闔開天奧蒙茸攀烟蘿詰屈窮水隩仄棧厯嵒巖  
深林攙茂冒始過石橋北精藍喜親造外狹而中宏所  
以他難較千金買勝事布施聊可數常輕福云種頗為  
山增調結構不更侈丹青已重耀

是寺亦  
為重脩

別室故精潔

秋老金英笑開窓縱遠目果愜心所樂東眺見滄溟一  
杯誰可酬西睇指帝都萬情豈勝料近者高下峰摧崦  
復宵窳紫翠纈此虎奔歛奏崖突是乃最佳處允宜智  
仁好因憶韓昌黎馬秣車云膏真隱應在茲反悔向所  
謂子初遊盤山作記以是山為隱者所盤旋而田疇之後無閒謂其絕少故云興盡歸山莊  
西陽未委照際和偶懷紆稱豐戒滿召叶明朝駕言旋  
勅幾勤體要

山東巡撫準泰進瑞穀圖因成是詩以示之



服膺常凜春秋旨不言祥瑞非沽美忽披齊東瑞穀圖

或者吾誠未盡喻

叶

所幸今年齊果豐不然諛頌何足

紀數郡各圖瑞穀莖一莖數穗垂累累曾聞亦可以偽

為其名龍爪別種耳

龍爪穀種之一莖必結數穗

即使真穀結穗多

一莖所得能飽幾嘉禾名書縱有之吾意在彼不在此

去年饑饉獲少蘇何以噢咻起瘡痍又聞近有傷農謠

今歲齊魯有穀賤傷農之歎

亦賴有司善經理十歉一豐毋遽喜嗟

嗟是吾乃所以

雪

十月  
八日

初冬霏六出農瑞紀京華曾是逢來罕真教望去嘉紛  
糝當午密飄墮逐風斜乍可窓無月休猜壁有瑕鋪田  
為喜色綴樹乃祥花雅稱瑤臺賞是日臨幸瀛臺何煩步障遮  
佳徵應兆麥餘事亦烹茶今歲吾誠幸欣承敬倍加

岳鍾琪入覲詩以賜之

劍佩歸朝矍鑠翁番巢單騎志何雄功成淮蔡無慚李  
翼奮渾池不獨馮早建奇勲能鼓勇重頌上爵特褒忠

西南保障資猷略前席敷陳每日中

長至日

南郊禮成述事

德晷星臨昴璇筭灰動葭亞陽欽

旭卉紀歲協昭華農慶豐書屢兵銷武偃遐幸蒙  
稠疊貺祗勵敬承加

張若澄桐陰清露

露下寥天碧蘚滋高梧影已露差差月窓擁膝疑思者

應賦秋聲未就時

鄒一桂山水畫歌

一桂繪事素所知家法相傳善花鳥近為山水頗入神  
左右逢源真復好橫圖大嶺作遠屏一谷寒烟散林表  
分來別幹殊秀拔層列岡巒致窈窕山窮水抱凡幾曲  
野橋不計大與小笠亭蝸舍相間出紅蓮宮矗青松杪  
倪黃宗派何須論要當取師於大造春華秋實以怡情  
智水仁山從體道為術貴慎有名言其然否乎堪絕倒

詠蘇軾壁水硯

永貞用六方象坤環以壁水無竭源蹤靜戾聽性質溫  
真硯不壞聞云云呼之欲出其人存

雪

十一月十四日

南郊迴法駕北陸布同雲灑宇霰先集漫空雪繼紛詩

人應得句祝史不煩文

往歲因三冬無雪每有祈禱之舉今歲初冬已得霑潤即今月

過冬至又降恩雪何慶如之

頻疊邀

鴻臚寅虔先

去聲

慰欣

雪後瀛臺即景

金碧樓臺瓊島邊，崇情幽賞玉壺天。  
三冬書史自娛耳，一雪遊觀亦偶然。  
素積遠螺餘冷峭，明含牡蠣嫩陽鮮。  
何人對此無佳會，況我歡生卜麦田。

總督策楞奏報川省豐收，既用欣然，并成是詩示之。

曾聞兵後鮮逢年，日夜憂心繫蜀川。  
詎我色蒙能解網，今春下詔班師赦金酋。  
罪時戒伊迷復不更絃，狼烟幸有大君無物不色蒙之句。

得銷荒戍魚夢欣教遍大田蒿目瘡痍初起候漫誇豐  
豫勉蕃宣

大學士勤宣伯張廷玉屢以年至乞休慰留未允  
近見其齒躋大耋精力視前較減優旨予告俟  
開春冰泮登舟賜詩三章以示眷注

早懷高義慕懸車異數優留為弼予近覺筇鳩艱步履  
得教琴鶴返林間銀毫無奈吟輕別赤芾還看賦遂初  
准以原官致仕伯  
爵仍帶於本身擬問蘭陵二疏傳可曾廿四考中書

兩朝綸閣謹無過況復芸窓藉琢磨此日蘭舟歸意定  
一時翰苑悵思多善娛鄉黨銷閒晝穩趁帆風送去波  
南國詩人應面晤

謂沈德潛

為詢食履近如何

坐論朝夕久勤宣問別何能獨惘然同事當年今幾在

御極初所同事大臣如鄂爾泰朱軾徐本徐元夢等物故者指不勝屈今大學士張廷玉又以老告歸矣得

與碩果又言旋江湖卿樂真饒後廊廟吾憂詎忘先指  
日翠華臨幸處歡顏前席問農田

題楊補之梅花用圖中題者韻



小院梨花空夢雪仙源桃瓣漫霏霞何如不惹纖塵種  
占斷西湖處士家

村梅一樹尺圖中展怕遊蜂逐細風笑我寫生雖學步  
華光妙理幾曾通

藉甚荆籬併石橋每逢開霰豫愁凋惟應箇老神丹點  
常馥春風白玉條

宋元合卷成三友曾讀親書小令來

三友軒所藏宋元  
梅花合卷有補之

題柳梢青十  
闕而無畫

姑射今朝真靚面連林鄧尉不妨開

冬夜偶成

壺蓮漏永餅笙和幾餘  
溫室饒清課吉光常挹古人風  
點筆拈題聊復作瞥眼籌邊憶  
去年剪燭批黃正無那  
較來三萬六千場大都如此堂堂過

臘日奉

皇太后遊瀛臺諸勝

今日嘉平景漸遲  
雪凝鳩鵲晃琉璃  
省農辛得逢真瑞  
酬節欣惟奉

聖慈蕉殿香花叅梵相液池羆虎試冰嬉迎年臘鼓春  
光近今昔評量有所思

題晉硯

旁刻王獻銘背  
刻虞允文銘

瑯琊貽朴製雍國勒鴻篇承燧宜冬日

用王獻  
銘語

含華悅

意田文房欣璧合

內府舊藏晉硯亦有  
虞允文銘曾題以詩

美質得天全尤

喜唐庚語靜為用永年

大學士勤宣伯張廷玉先奉

皇考遺詔將來配饗

廟廷今經予告懇欵陳情亟慮浮議將弗克邀

殊眷朕既明頒詔旨并成是詩書以賜之以為左券也  
造膝陳情乞一辭動予矜惻動予悲

先皇遺詔惟欽此去國餘思或過之可例青田原侑廟  
漫愁鄭國竟摧碑吾非堯舜誰臯契汗簡評論且聽伊

雪

臘月十一日

臘後春前霏瑞雪宵衣旰食慰勞心詩人漫自閒方玉  
農父應知早獲金詰曉有光分野路吹風無力綴寒林

是日以歲暮詣  
靜安莊奠酒

占年三白真堪喜

今歲凡三遇瑞雪實  
數年來所罕覩也

底撫流陰感不禁

### 題黃公望溪山雨意卷

七十老翁飛逸興健筆得要無爭多  
溪煙山靄紛勃鬱  
雨意立待將滂沱  
町邊農父早罷肩  
舟上漁子間披蓑  
當時快意撫左紙  
構景古研磨大陀

見黃公望  
自識語

遂教曲

盡欲雨妙潤溽觸手難為摩  
國子博士題  
驪首小篆四字成  
擘窠懶瓚乃別出手  
眼卷後橫議推  
鷗波

倪瓚題  
卷後有

予久不能夢見房山鷗波之語

英雄欺世故應爾要已心罄詎有他富

春大嶺石渠寶天然作配非旁羅氣求聲應有定理吾因遐想碩人邁

題張若澄山水十二幅

翠微深塢

好是足山魚足水自然宜畫也宜詩翠微深處凡塵隔不必探幽更別移

桃源漲暖

春水勝舟碧且澌  
綠雲鬱間絳霞蒸  
淵明作記嗤多事  
惹得人人譟武陵

春山訪友

綠雲紅雨向清和  
寂寂深山幽事多  
曲徑苔封人跡絕  
抱琴高士許相過

荷淨日長

琉璃四面水堂虛  
羨汙風來香氣徐  
釣綫閒收書度置  
亦非儒士亦非漁

綠天茆广

受風散種溪邊竹聽雨新移窓外蕉一卷常持高士傳  
小年樂事足逍遙

遠岫歸雲

本來出岫無心者何事云歸戀故山却與層巒添氣色  
黛深螺潤草堂間

松陰仙館

溪館淙淙水樂音更宜盤護老松陰石橋幽客來相訪



一晌高談擁古今

碧嶂生秋

疊嶂何緣生翠寒為從筆底運金官  
宋元蹊逕何須論古格移情楊契丹

清流繞屋

飛流直瀉匯為湖湖上軒齋蔭竹梧  
那更塵埃延俗客頗饒書史作清娛

懸厓飛瀑

琉璃簾幕水晶屏雅可澄觀復可聽筇杖幽人成小立  
恍從廬阜叩雲扃

極浦歸帆

落照江樓望遠空歸舟無恙布帆風憑虛瞬息來天際  
斜帶飛霞一抹紅

寒林積素

課童擁帚開三徑對婦烹茶點二毛自是雅人足深致  
何須雪水愧羊羔

靈珀詩

珀本松之精氣凝結數千年而成是珀外射晶光  
內含生意中著方寸樹如薏蒲然按候舒縮四時  
之運備焉非尋常珍玩者比名之曰靈珀因系以  
詩

靈珀含精氣仙胎託古松一丸無滿缺四序識春冬屈  
草祥祛佞嘉禾瑞兆農書傳平聲誠或有目覩未曾逢

雪後瀛臺即景

借問湖山底，最宜最宜應是雪。餘時筠梢素積，龍文織簷際。冰明玉筍垂，歲景崢嶸云暮矣。壺天瀟灑一過之，貞元消息真無息。即漸晴窓旭影遲。

補桐書屋作

書屋蕭閒研席清，嫩陽堪愛一窓明。靜中底覺華年近，時聽街衢爆竹聲。

松門石磴步徘徊，五色雲中望趯臺。最愛庭柯餘雪在，錯疑昨夜綻寒梅。

每教舊句聯新句

曾為補桐書屋圖掛之壁間數年來于此得句即復書之

可識今

年即去年憂樂向來何處著惟餘省歲念無遷

朕既藏歷代帝后名臣像於南薰殿為文以記之

并成是詩

寫照應非古義軒誰所傳

三皇五帝之像蓋出於後世附會然既珠庭秀發亦惟一

例尊歲云儼茲瞻日角敬與保天全暑雨寧侵幌薰風尚入

絃畢然興景仰籌治勉勤乾

再題趙孟頫鵲華秋色卷

文敏一生得意筆不減伯時蓮社圖

二語用董其昌識語

向每展

玩輒叫絕皴染含韻供清娛為鵲為華固未識但見豎  
峰橫嶺天然殊去歲青齊駐巡蹕乃命驛致一證諸真  
形在前神煥發樹姿石態皆相符東華傑池麗色萃天  
外西鵲威紆秀影圍城隅徒聞道子乘驛傳嘉陵不識  
能同無爾時得句題卷上嘉話自詡遊不孤歸來登舟  
值變故是卷皮置過年餘歲暮鏡古遠幾暇胡然入眼  
紛愁予兩朵天花仍好在鵲橋似阻銀河塗向來悲喜

倏已過流陰瞥眼誠堪吁成詩聊當賦獨旦古紙側理  
偏宜書常侍却能進讜論久成寶笈藏石渠慮致魯魚  
難補記解頤笑謂有是夫千秋後人執卷以題詠其誰  
守禁為汝停吟觚

董邦達雪景

天公玉戲谷神寒盡得風流在筆端散漫不分巖洞樹  
紛糅偏惹客人冠細披尋去全成句粗點綴餘皆入觀  
寺閣迥凌銀色界好教破冷一扶欄

書福詩

歲暮書福以賜庭臣謹遵

皇考成例亞禧敘錫之義於是為昭每欲成詩以不得  
佳句而止茲當清暇復此迎年揮翰之餘拈鬚有  
作亦不復計工拙云

近始藩屏逮百僚臨軒書福慶恩昭九疇箕子疇書演  
一筆王家筆陣超嘉與紅箋迎介祉相扶綵勝煥元朝  
不徒弄翰欽敷錫



家法繩承仰

聖堯

雪

立春前  
二日

作勢紛糅低曉烟應時好是立春前因風斜拂寒猶淺  
著地旋融力已綿祥輦芳辰披寶帖興浮殘臘耀瓊筵  
今年詩卷添顏色疊詠銀花點玉田

即事

杓柄誰教巧斡旋物情人意已熙然千枝花剪銀旂勝

百合香接寶鼎烟古帙堪為消夜果東皇不索買春錢  
靜中檢校增寅畏今歲遭逢幸萬全

立春日擬帖子詞

玉管春調律銀縢雪告豐今朝上林樹鳴喜向東風  
東陸新迎候西川早洗兵駢祥欣歲稔布治順民情

節先去聲

千年三宿至春將寅日一齊來綵屏底更裁吳


錦殿樹裴花綻古梅

例事晨趨京兆尹佳詞歲擬翰林官撫辰願協陽和德

實政寧惟詔旨寬

除夕

歲辭催景換律轉覺春融寶勝扶銀蒜蓮繁綴玉蟲  
韶華歸桂苑和氣滿璇宮一夜分新舊祈年願屢豐



御製詩二集卷十三